

IL NÛFCENT DI UGO FRA STORIE e PERAULIS

Societât
Filologjiche
Furlane



Societât
Filologica
Friulana



REGIONE AUTONOMA
FRIULI VENEZIA GIULIA

docu
scuêles
CENTRO REGIONAL
DE DOCUMENTAZION E
SPERIMENTAZION DIDATICHES
PE SCUELE FURLANES

*Un percors par scuvierzi la figure
e la opare di Ugo Pellis, protagonist
dal prin Nûfcent furlan.
La propueste didatiche e zire ator
di cinc peraulis clâf: **PERAULIS**,
ATLANT, **CONFINS**, **VIAÇ**, **OGJETS**.*

PROPUESTE DI SPERIMENTAZION DIDATICHE pes classis IV e V de scuele primarie e pes secundariis di I grât

Un percors didatic di proponi tes oris di furlan che al rivuarde Ugo Pellis. A son stâts creâts trê modui: doi pe primarie, par cure di **Tamara Pozzebon** e **Angela Tedeschi**, e un pe secundarie di I grât, par cure di **Donatella Bello**. Par scuvierzi cemût partecipâ ae sperimentazion e par savê cemût vè i materiâi l'apontament al è par

→ **Miercus ai 10 di Fevrâr dal 2021, des 17.00 aes 18.00**

INCUNTRIS FORMATÎFS PAI INSEGNANTS

Lis **PERAULIS** che nus à lassadis Ugo Pellis, la sô testimoniance e il **VIAÇ** de sô vite a saran analizâts di **Gabriele Zanello**, de Universitât dai Studis di Udin, e in graciis dal docufilm *L'Atlante della Memoria*, cu la regjie di **Dorino Minigutti**.

→ **Vinars ai 19 di Fevrâr dal 2021 des 17.00 aes 19.00**

Il lavôr dal Pellis che al puartâ ae redazion dal **ATLANT** Linguistic Talian e dal Atlant Storic Linguistic Etnografic Furlan al sarâ indagât di **Federica Cugno**, de Universitât dai Studis di Torin, e **Carla Marcato**, de Universitât dai Studis di Udin.

→ **Miercus ai 24 di Fevrâr dal 2021 des 17.00 aes 19.00**

Tabaiâ de storie dal Friûl al vûl dî ancje tabaiâ di une storie di **CONFINS**, cui lôr cambiaments e cui tancj significâts che si puartin daûr. Cheste storie e sarâ contade di **Angelo Floramo**.

→ **Martars ai 2 di Març dal 2021 des 17.00 aes 19.00**

Tra i **OGJETS** plui prezios che nus à lassât in ereditât Pellis a son lis sôs lastris fotografichis, che a vignaran presentadis di **Stefano Perulli**. Daspò si scuvierzarà ce che al vûl dî fâ il reporter al di di vuê insiem cun **Paolo Youssef** e **Giulio Magnifico**, viodint la evoluzion de fotografie tai agns.

→ **Miercus ai 10 di Març dal 2021 des 17.00 aes 19.00**

INFO

I incuintris a son a gratis e increditâts daûr des Liniis Vuide MIUR. Ae fin dal percors di formazion al vignarâ dât fûr un atestât a seconde des oris fatis. Dut il percors si tignarâ in linie su plateforme Zoom (i link di acès a vignaran mandâts vie mail a cui che si notarà).

Si à di notâsi dentri di miercus ai 10 di Fevrâr sul nestri sît: **www.scuelefurlane.it**.

Si à di jentrâ tal spazi dedicât al percors di formazion de pagine principâl e lâ a compilâ la schede che si vierç fracant sul boton ISCRIVITI. Us rivarâ subit une conferme de vuestre iscrizion, ma se no us rive scrîvêt une mail a **info@scuelefurlane.it** o ben clamait il n. 0432-501598 int. 5.



LABORATORIS PES SCUELIS

→ Pes classis IV e V de scuele primarie

LA PERAULE – cun **Adriano Sabotto**

Laboratori par scuvierzi lis peraulis dal furlan che aromai no si cognossin plui, partint di chês che a son dentri dal Atlant di Ugo Pellis. Un percors par imparâ gnovis peraulis in maniere divertente.

I OGJETS – cun **Adriano Sabotto**

Laboratori teatrâl par scuvierzi une figure misteriose, che e rivarà cuntune valîs cjamade di imprescj: di dulà rivino? Ce storie àno daûr? Di cui sono? Ce si puedial capî di chest personaç dal passât?

IL VIAÇ – cun **Simone Paoloni**

Laboratori di fumet par imparâ cemût che si pues contâ il viaç di une vite.

→ Pes secundariis di I grât

LA PERAULE – cun **Raffaele Serafini**

Laboratori di scritture creative par imparâ cemût che si pues contâ la storie di un personaç storic, come Ugo Pellis.

I CONFINS – cun **Angelo Floramo** (chest laboratori al è conseât pes classis tiercis)

Laboratori storic-leterari par scuvierzi cemût che si son modificâts i confins dal nestri teritori cun cualchi proposte di leture.

IL VIAÇ – cun **Simone Paoloni**

Laboratori di fumet par imparâ cemût che si pues contâ il viaç di une vite.

INFO

I laboratori a son a gratis, a durin 2 oris e a podaran davuelzisi ancje in linie. Ogni laboratori al è disponibil par massime cuatri classis, sieltis daûr dal ordin di prenotazione. Si à di notâsi fin che al è puest cuntune mail a info@scuelefurlane.it precisant il laboratori sielt, la scuele e la classe che lu domande, cence dismenteâsi di lassâ un riferiment telefonic par metisi dacuardi su la zornade. Se a la vuestre prenotazione no i ven daûr une rispueste, clamait il n. 0432-501598 int. 5.

